



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

VI. Et ex Concilio Francofordinensi. Cur ad hæc Concilia convenire  
jubeantur Comites.

**urn:nbn:de:hbz:466:1-15617**

interpres crediderit Synodum Sardensem non tribuere Presbyteris licentiam interpellandi Episcopos vicinæ provinciæ, nisi absente Metropolitano. Ea fuit causa cur eum in verfone sua addiderit contra ipsa verba canonis; de cuius fide dubitari non potest, cum Dionysij versio, &c, quod in primis observandum est, Concilium Africæ in epistola ad Bonifacium, eum nobis exhibeant clausula illa carentem.

IV. Concilium Carthaginense renovavit canonem Milevitanum, edito ne Presbyteri ad transmarina judicia, id est, Romanum, appellarunt, sub poena excommunicationis: Non provocent ad transmarina judicia, sed ad Primates provincialium suarum, sicut & de Episcopis sepe constitutum est. Ad transmarina autem qui putaverit appellandum, a nullo intra Africam ad communionem suscipiatur. Quod fusè explicant iidem Afri in epistola ad Celestimum: Presbyterorum quoque & sequentium Clericorum improba refugia, sicut te dignum est, repellat sanctitas tua: quia & nulla patrum definitione hoc Ecclesiæ derogatum est Africanae, & decreta Nicena sive inferioris gradus Clericos, sive ipsos Episcopos, suis Metropolitanis aperiè commiserunt Prudentissimi enim justissimèque videtur quicunque negotia in suis locis ubi orta sunt finienda, nec unicuique provincia gratiam sancti Spiritus defuturam: ----- maximè quia unicuique concessum est, si judicio offensus fuerit cognitorum, ad Concilia sue provinciæ, vel etiam universale provocare.

V. Suprema illa potestate fruebantur Concilia provincialia Galliarum, jure tamen consultationis Ecclesiæ Romanæ servato in majoribus causis, ut confat ex celebri illo loco epistola Innocentij primi ad Vetricium Episcopum Rothomagensem, cuius veram interpretationem investigavi in dissertatione de judiciis canoniciis Episcoporum. Sic igitur scribit Innocentius: Si que autem cause vel contentiones inter Clericos tam superioris ordinis quam etiam inferioris fuerint exorte, ut secundum Synodum Nicenam, congregatis ejusdem provincie Episcopis, iugium terminetur. Nec alioi liceat, sine prejudicio tamen Romane Ecclesiæ, cui in omnibus causis debet reverentia custodiri reliktis his Sacerdotibus qui in eadem provincia Dei Ecclesiam nutu divino gubernant, ad alias convolare provincias. Secundum hos canones & decreta veteres synodi Gallicane præcipiunt ut Clerici qui de Episcopis suis conqueruntur, ad synodum accedant; ut patet ex Concilio Valesi anno CDXLII. Arlatensi secundo anni CDXLIV. & Aurelianensi III. anni quingentesimi trigesimi octavi.

VI. Ævo Caroli magpi, Conciliis istius-

modi conservata est suprema potestas in iudicandis Abbatibus, Presbyteris, monachis, aliisque Clericis, & laicis excommunicatis. Absoluta auctoritas est id ita consuevit, cum ita factitatum fuisset doceat Concilium Francofordiense generale habitum anno DCCXCIV. cui interfuit legatio Hadriani I. Papæ, & ad quod convenerunt Episcopi Galliarum, Germanie, & Italiæ, à Rege evocati. Statutum est, inquit, a Domno Rege & sancta synodo ut Episcopi iustitias faciant in suis parochiis. Si non obedierit aliqua persona Episcopo suo de Abbatibus, Presbyteris, Diaconibus, Subdiaconibus, monachis, & ceteris Clericis, vel etiam aliis in eius parochia, veniant ad Metropolitanum suum, & ille dynadicet causam cum suis suffraganeis. Comites quoque nostri veniant ad judicium Episcoporum. Et si aliquid est quod Episcopus Metropolitanus non possit corrigeret vel pacificare, tunc tandem veniam accusatores cum accusato cum literis Metropolitanis, ut sciamus veritatem rei.

Constat igitur hoc canone nullum appellations genus relinqui à iudicio Metropolitanum. Excipit solum, ut si post sententiam synodi super sit adhuc aliqua controversia, accusator & reus adeant Principem cum litteris Metropolitanum; ut Rex cognitionem extrajudiciale causæ suscipiat, auctoratèmque suam tribuat pro executione rei iudicatae, aut protectionem suam subditis suis, si continget eos opprimi in injuriam legum & canonum. qua de re alibi accurte differo.

Cur autem Comites, quos hic canon jubet interesse judiciis Episcoporum, ad hec Concilia convenire debeant, docet Praefatio Concilij Moguntini iussu Caroli magni habitu anno DCCXIII. Convenit nobis de nostro communi collegio Clericorum seu laicorum tres facere turmas, sicut & fecimus. In prima turma confederant Episcopi ----- legentes atque tractantes sanctum evangelium. ----- In alia vero turma confederant Abbes ac probati monachi. ----- In tertia denique turma sedent Comites & Iudices in mundanis legibus determinantes, vulgo iusticias perquirentes, omnimodo advenientium causas diligenter examinantes, modis quibus poterant iusticias terminante. Unde colligitur Comites ea de causa ad synodos convenire solitos, ut pro sua virili leges dicerent, & ut seculares causas eorum definiter qui undeque ad conventus hujuscemodi accedebant. Præterea eorum presentia necessaria erat ad terminandas lites quæ forte exorierantur inter Clericos & laicos, quas ab Episcopo una cum Comite judicandas esse sancivit canon xxx. Concilij Francofordiensis: Si forte inter Clericos

## & Imperij Lib. VI. Cap. XIV. 229

*& laicum fuerit orta alteratio, Episcopus & Comes simul convenient, & unanimiter inter eos causam definiant secundum restitudinem. Prae-*

Vide cap. xi. l. 10.  
Concil. Aurelian.

iv. c. 20.

Addit. iii. c. 54.

§ 44.

Concil. Panis. c. 16.

*x autem illa introducta est a Concilio quarto Aurelianensi celebrato anno quingentesimo quadragesimo primo. Comites insuper lege Capitularium tenentur adjuvare Episcopos ad justicias facandas.*

*Concilium Parisiense habitum anno DCCCXXIX. manifestè probat viam appellandi ad sedem apostolicam nondum fuisse apertam per illas tempestates, cùm doceat Clericos ab Episcopis suis castigatos, que relas suas ad Regem deferre solitos, quando synodi provinciales non habebantur.*

**VII.** Suprema Conciliorum provinciarum potestas confirmata est disertis verbis in canone xxvi. Concilij Octavi Oecumenici, quod anno octingentesimo septuagesimo in urbe Constantinopolitana habitum est adversus Photium ejusdem urbis Patriarcham, cui praeferunt Legati Hadriani secundi Summi Pontificis. Ac licet Galli Concilium illud non admisissent, Summi tamen Pontifices, post suam electionem, ejus observationem jurejurando promittebant, non scilicet ac superiorum septem Conciliorum. Canon ergo ille causis Episcoporum distinguit à causis Presbyterorum & aliorum Clericorum; decernitque ut Episcopi judicentur in synodo patriarchali. Appellations autem Presbyterorum à suis Episcopis dejectorum à Metropolitanano & synodo provinciali præcipit judicari, *ad confirmandum scilicet sine omni suspicione, vel destruendum, per generalem synodum, & multorum sententia, Clerici depositionem.* Hic autem canon Latinè tantum habetur ex versione Anastasi Bibliothecrij, qui synodo intererat, quique synopsis ejusdem canonis conficit verbis ambiguis: *Quod Clericus depositus, vel injuriam passus ab Episcopo suo, protestat habeat recurrere ad maiores Ecclesie catholice Principes, id est, ad Summos Pontifices. Quibus vocibus heic significantur Metropolitanani, ut patet ex verbis canonis. Generalis autem synodi vocabulo utitur Anastasius ad significantum provinciale Concilium, & ut illud opponat synodo diœcæsanæ.*

**VIII.** Extremis annis regni Caroli Calvi, vis prima illata est auctoritatì Conciliorum provincialium. Presbyteri enim depositi, & pœnitentiae subjecti, qui nec judicio Episcoporum suorum acquiescere volebant, nec Metropolitanum interpellare, Romam proficiscebantur; illincque literas Canonibus adversas deferebant, in quibus citra ullam causæ cognitionem judicia Episcopo-

rum resciendebantur, & judices Romam vocabantur, sententiae suæ rationes illic allaturi. De hoc enim usū cùm Ioanne octavo expostular Carolus Calvus Imperator in epistola ad eum scripta, cuius auctor est Hincmarus Remensis Archiepiscopus: in qua illud quoque additur, nolle Episcopos agnosceré auctoritatem harum literarum, quas existimabant concessas fuisse à ministris, commotis videlicet misericordia quadam querentium, neque sibi persuadere posse eas iussu Pontificis fuisse decretas. *Transalpinarum regionum Presbyteri, inquit, à suis Episcopis de certis criminibus ab ordine sacerdotali dejecti, & pœnitentie subacti, sine licentia & conscientia Primatum suorum hoc venire, & hinc epistolæ, quæ regulis non convenient, referre cuperunt. Quas non iussione apostolica, sed, ut assiles etiam in republica, propter mul-*

*tiplicia reclamatorum negotia, quorumcunque ministrorum pia miseratione factas, & nos & illius regionis putant Episcopi. Tum in capitibus XIII. XIV. XV. XVI. & XVII. Imperator probat debere Presbyteros judicari ab Episcopis, & à synodo provinciæ, si quæla moveatur, ita namque decretum in Conciliis Niceno, Antiocheno, Sardicensi, Constantinopolitano, & Chalcedonensi. Neque licitam esse provocationem ab eis judiciis; ut Synodus Carthaginensis disertis verbis definit, dicens: *Transmarinum judicium non erit ratum. Quo loco Hincmarus ita adnotat, in gratiam Francorum, Quod tantundem est, Transalpinum;* & hanc praxim usque ad sua tempora obtinuisse affirmat:*

*Hæc itaque (inquit ille in capite xix.) transalpinis Ecclesiæ cariungue rectoribus ---- de Presbyterorum ex Diaconorum appellatione, si de judiciis Episcoporum suorum questi fuerint ad comprovinciales synodos & dijunctione regulari eorum in iisdem synodis, ante longissima etatis annos, usque ad nostra tempora, servata & a successoribus ac predecessoribus eorum secura & executa fuerint. Vnde colligit epistolæ illas quas ex Urbe Presbyteri adserebant, cum canonibus essent contraria, a sede apostolica datas non fuisse, quæ sibi contraria esse non potest, id est, decreto Papæ Gelasij, qui scribit eam sedem pre ceteris excepti canones Conciliorum: Quas epistolæ, sacris regulis obvias, nec auctoritate apostolica fuisse missas, sed compilatas quorumcunque ratiocina credimus. Non enim sibi ipsi sedes apostolica potest esse, nisi vel diversa. Demum in cap. xii. & xxi. Ioannem Pontificem alloquens, concludit auctoritatem pontificiam & imperatoriam potestatem debere sollicitè considerare quid ab eorum predecessoribus decretum fuerit circa*

*Cap. 30. Ab Episcopis transalpinis Presbyteris galatiori judicari, ad haec redditum Romanum sedem iusfisi Episcopis contumaciam sedem ad conseruandam contra eos veniente præcipiant. Quod nullus antiquus legitus vel patrum regis decretum fuisse legimus,*

F f iij